

JU ZAVOD ZA HITNU MEDICINSKU POMOĆ KANTONA SARAJEVO, ul. Kolodvorska 14, ID broj: 4200014530006, kojeg zastupa direktorica Prim. dr. Amra Bašić-Živadinović, (u daljem tekstu: Davalac usluga)

i

UPRAVA POLICIJE, MINISTARSTVO UNUTRAŠNJIH POSLOVA KANTONA SARAJEVO, ul. La Benevolencija broj 16, ID broj: 4200220350146 koju zastupa policijski komesar, Generalni inspektor policije Nusret Selimović (u daljem tekstu: Korisnik usluga)

zaključile su:

U G O V O R

O PRUŽANJU USLUGA HITNE MEDICINSKE POMOĆI

Član 1.

Predmet ovog ugovora je pružanje usluga hitne medicinske pomoći za medicinsko obezbjeđenje izvođenja taktičko-situacionog gađanja iz vatrenog oružja za policijske službenike Uprave policije, koje se održava u mjestu Suhodol općina Hadžići.

Član 2.

Pružanje usluga medicinskog obezbjeđenja se vrši po provedenom postupku dodjele ugovora za neprioritetne usluge u skladu sa članom 8. Zakona o javnim („Službeni glasnik BiH“ broj: 39/14), i u skladu sa odredbama Pravilnika o postupku dodjele ugovora o uslugama iz Aneksa II dio B Zakona o javnim nabavkama ("Službeni glasnik BiH", broj 66/16), a na osnovu Odluke broj 02-11-4-103/22 od 07.01.2022. godine. Sastavni dio ovog ugovora je ponuda Davaoca usluga broj: 23/22 od 16.05.2022. godine.

Član 3.

Davalac usluge se obavezuje da će po zahtjevu Korisnika usluga pristupiti vršenju usluge hitne medicinske pomoći za medicinsko obezbjeđenje izvođenja taktičko-situacionog gađanja iz vatrenog oružja za policijske službenike Uprave policije, u traženo vrijeme i na traženom lokalitetu naznačenom u članu 1. ovog ugovora.

Član 4.

Jedinična cijena po satu, u skladu sa gore navedenom Ponudom, iznosi 135,00 KM bez uključenog PDV-a.

Ukupna ugovorena vrijednost usluge medicinskog obezbjeđenja izvođenja taktičko-situacionog gađanja iz vatrenog oružja za 77 sati iznosi 10.395,00 (desethiljadatristotinedevedesetpet i 00/100 KM).

Davalac usluga nije registrovan kao Poreski obveznik poreza na dodatnu vrijednost u skladu sa članom 24. stav (1) tačka 2) Zakona o PDV-u.

Faktura za izvršenu uslugu će se ispostaviti prema stvarnom broju sati prisustva interventne medicinske ekipe.

Član 5.

Između ugovornih strana utvrdit će se koordinatori na organizaciji vršenja predmetnih usluga, odmah po obostranom potpisivanju ugovora.

Član 6.

Davalac usluge je dužan blagovremeno pružiti ugovorene usluge iz člana 1. ovog Ugovora po profesionalnim, stručnim i uobičajenim standardima koji važe za vrstu usluga koje su predmet nabavke.

Član 7.

Korisnik usluga se obavezuje da će putem određenog koordinatora blagovremeno obavijestiti Davaoca usluga o tačnim terminima izvođenja taktičko-situacionog gađanja iz vatrenog oružja za policijske službenike Uprave policije, te o mogućim izmjenama u terminima izvođenja navedenog gađanja.

Promjena termina izvođenja gađanja iz stava (1) ovog člana može biti samo iz razloga više sile (npr. vremenske prilike), usljed čega se dejstvo ugovora produžava.

Član 8.

Davalac usluga se obavezuje da će usluge pružati u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Ukoliko se konstatuju određeni nedostaci u kvalitetu ili kvantitetu izvršenih usluga sačinit će se zapisnik o reklamaciji.

Davalac usluga se obavezuje priznati reklamaciju na kvantitet i kvalitet izvršenih usluga, koja će biti proračunata zapisnikom o reklamaciji, uz obavezno navođenje nedostataka izvršene usluge.

Način i rok otklanjanja grešaka bit će utvrđen zapisnikom o reklamaciji.

Član 9.

Davalac usluga je dužan pripremiti izvještaj/zapisnik o kvalitativnom i kvantitativnom prijemu izvršenih predmetnih usluga, te ga dostaviti u 2 (dva) primjerka Korisniku usluga, uz fakturu na kraju mjeseca.

Izvještaj/zapisnik o kvalitativnom i kvantitativnom prijemu izvršenih predmetnih usluga potpisuju koordinatori ugovornih strana u skladu sa članom 5. ovog ugovora.

Usluga će se smatrati uredno izvršenom tek kada bude konstatovano da su usluge izvršene bez primjedbi.

Korisnik usluga se obavezuje da će platiti račun/fakturu za uredno izvršene usluge iz člana 1. i člana 3. ovog ugovora, uz dostavljeni izvještaj/zapisnik o kvalitativnom i kvantitativnom prijemu izvršenih predmetnih usluga, u roku od 30 (trideset) dana od dana prijema, na tekući račun Davaoca usluge.

Član 10.

Ugovorne strane su saglasne da se ovaj ugovor zaključi na određeno vrijeme, sa pravnim dejstvom od 17.05.2022. godine do 03.06.2022. godine.

Član 11.

Ukoliko Korisnik usluga ocijeni da Davaoc usluga nije u stanju kontinuirano i kvalitetno izvršavati preuzete obaveze, odnosno ukoliko ponuđene usluge nisu u skladu sa datom ponudom iz člana 2. ovog ugovora, Korisnik usluga može jednostrano, bez saglasnosti Davaoca usluga, raskinuti ovaj ugovor.

Korisnik usluga zadržava pravo raskida ugovora ukoliko usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Davaoca usluga.

Član 12.

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

Član 13.

Sve eventualne nejasnoće nastale po ovom ugovoru, ugovorne strane će rješavati sporazumno. Ukoliko to nije moguće, za sve eventualne sporove nastale po ovom ugovoru nadležan je sud u Sarajevu.

Član 14.

Ovaj ugovor je zaključen, kada isti potpišu obje ugovorne strane i traje do izmirenja dužničko-povjerilačkih odnosa.

Član 15.

Ovaj ugovor je sačinjen u četiri (4) primjerka, od kojih svaka ugovorna strana zadržava po dva (2) primjerka.

**DAVALAC USLUGA
JU ZAVOD ZA HITNU
MEDICINSKU POMOĆ KANTONA
SARAJEVO**



direktorica
Prim. dr. Amra Bašić-Živadinović

Broj: 3011-1
Datum: 16.05.2022. godine

**KORISNIK USLUGA
MUP KANTONA SARAJEVO
UPRAVA POLICIJE**



POLICIJSKI KOMESAR
Generalni inspektor policije
Nusret Selimović

Broj: 02-11-4-103-10/22
Datum: 16.05.2022. godine